



國家清史編纂委員會·文獻叢刊

清代詩文集彙編

清代詩文集彙編 一八

寒支初集十卷寒支二集六卷首一卷（寒支二集六卷首一卷）

李世熊撰

一

悟香集三十卷（缺卷四至六卷十至十二卷十九至二十一）

陸寶撰

一六一

用六集十二卷首一卷 刁包撰

四一五

秋水集十六卷 馮如京撰

六〇五

寒支集序

往予讀宋遺民錄潛然不知涕之何從也
甲申秋予以訪舊至閩與李但尹先生
君允懷遇延至檀河精舍屬以關雎詩
前後兩集午夜一燈煌煌雞鳴不已未嘗
有稍倦怠之意若是者何也蓋欽其人而
非徒以詩文已也允懷又以二集序見命

寒支集序

嗟夫予何以序先生哉先生嘗自謂文凡
三變少時不蹈繩檢好為馳騁無涯涘之
文已又一變為沉深宥渺之文方是時世
未嘗讀繁露太玄黃管王郭諸書則莫不
以某文為妖妄後又變為縱橫曲折之文
間取唐宋大家叙事議論之法行其臆見
自謂淋漓適志矣此雖為應制言而今古

之文皆一理也即是亦可以知其詩古文
辭之大畧矣先生少獨好管韓莊屈書其
文得秦父氣多漢文氣少蓋楚馮公之圖
云爾可不謂天下一人知己哉自予論之
寒支集大概文勝於詩也雖然論文有不
以人廢言者有因其人而益重其文者人
如先生祇詳道其文而不表著其人可乎

寒支集序

夫當承平無事君子小人或無以辨及時
窮世亂有名則人而實不如禽獸者矣何
以明其然也諸如供奉擊賊鸚鵡問安吉
了觸地白鵲蹈海豈非天下之大忠臣義
士耶以視長樂之十主李家之世脩平仲
之道學夢炎之昭元不霄壤相懸絕哉惟
有忠武出師睢陽為厲萬里止求文山狀

清代詩文集彙編

市以稱人於千古而後可無媿奈何徒以
文論而不一辨其人哉但月先生曰河山
易位人物失倫欲哭則不敢欲泣則近婦
人欲死則二毫在堂相依為命當爾之時
如失路之兒喪巢之鳥徬徨愴惻視晝如
昏固宜其自謂久處幽篁不見天日矣嗚
呼所南心史埋井幾何年翬羽空山墮淚

寒支集序

三

全無數以此論人而其人固可知以此論
文而其文亦愈見矣在昔有宋既亡兩河
民數十年後談及故主無不泣下則凡讀
聖賢書者又當何如哉南州彭躬庵之貽
先生詩曰何期老壽偏逢此長使吾徒淚
不收傷哉言也故凡讀寒支集者無徒以
文為也夫亦審視其文心何在而已矣歲

在甲申九月二十九日江左王之績懋公
氏題於檀河精舍

寒支集序

四

寒支二集目錄

卷首

寒支歲紀

卷之一 古今詩

善哉行

戰城南

代淮南王

古歌

上邪

寒支二集目

奔三女

淮陰侯

漢諺 四首

武侯

猛虎行

射虎行

縱虎吟

高才

松

千頃雲看雨

鷓鴣行

冬舟

舟入虎丘

吳母羅孺人六十

養馬山城隈

庚寅夏四月大水書事

暮秋感懷 三首

門有弓劍客

寒支二集目

天窗岩

美人臨流

舟次值丹儀女士命觴中宵言別

七夕客茶陽

九日懷人

立秋

保安道中

病姬 二首

過汧水登眺江樓偶讀鄭太白題壁時報寇警

清代詩文集彙編

吏民泄泄因和鄭韻意各有極也

二首

寒夜懷人次劉佐明韻

四首

羅石岩

二首

古相思

二首

子夜曲

放生頌

秋夜琴

紅樹

麗書

寒文二集目

三

達磨洞

蓮公塔

江行

三首

露坐

晚秋集某竹樓

月泊

風雨行京口道中

卜居

山夜

水麗寺

霽眺

偶作

讀書

望玉女峯

二首

某出山北上

山房

和陶

示門士

寒文二集目

四

無題

陳星符自杉陽過訪荅其新韻

寄鄒某偈

野步感事

飲友人宅上招伎不至分得郎字

聞銅山先生殉節

烈女伊氏兵至避邑東龍水坊爲遊騎所獲躍

身入水騎度不可得以擲刺之水中

聞說馬上伴婦

晚菊

秋柳

九日懷人

代友悼亡 二首

青坵山

張景微道人

憶荔支

挽張離俗道人

簡伊哉生

寒文二集

五

秋夜看月偶有所懷

蒼峽秋泊

謝用周卒于天啟乙丑時予年二十有四今六

十九歲矣其令孫某持用周遺像見示愴然如

生同社黃孺子黃陟贈丘德長雷震再先後淪

以向之哭用周者予又哭四子矣餘此老頑癩

贅於世人欲久不死者何也因爲感逝一篇書

其像後

壽魏和公五十

寒支二集

贈劉季英

贈天影山僧學訓

徐叔穎以林較書詩箋見詒次韻

靜菴重趼特過草廬快談竟日喜劇有作

九如圖

滕王閣

別方位伯一十三年丁巳哭接手札驚喜失聲

再誦新詩意尤凄婉感憶藥地先生不覺老淚

沆瀣次韻一章以當灑血

寒文二集

六

卷之二 序 記 說 引

曾弗人四書論世序

北山草序

啼魂集序

送謝學師北上序

八閩考卷序

狗馬紀序

刑法志序

談諧傳序

五

清代詩文集彙編

王令君德政詩序

機訓圖序

節婦陳氏機訓圖後序

家譜後序

伊有一五十壽序

伍君某甫六十壽序

謝太翁壽序

邑丞周公壽序

總戎某公壽序

寒文二集目

七

羅君某甫六十壽序

李母張孺人九十又一壽序

王母黃太君八十壽序

華林禪院碑記

福善說

劉母節孝錄引

僧某募建祇園引

募誦華嚴經小引

僧某募月糧小引

卷之三

書

答顧膠山書

答溫伯芳書

答雷勿輶書

答伍引之書

答巫亦戾書

答陰元徵書

答黃司衡書

答雷吉又書

寒文二集目

八

答譙復先書

與蔡幼石書

答鄭牧仲書

答葉慧生書

答官公璧書

答薛依南書

卷之四

簡

答賴惟中

答劉佐明

又

答鄒文虎

又

與雷扶九

答蔡方山

答伍君曉

與林孟遷

答張若鑑

答徐叔亨

寒文二集目

九

答伊哉生

又

與吳天池

答伍象新

又

答張而堅

答某

答丘黃玉

答友

與徐上襄

答潘湘友

與潘湘友

答陰列白

又

與林日盛

與蔡槐曾

又

答黎槐曾

寒文二集目

十

又

又

又

又

答馬學師

又

答葉慈生

與魏和公

答魏和公

又

又

與魏和公

答湯惕菴

答湯若人

答張道羽

答張昌文

答駱總戎

答李化舒

寒文二集

士

又

答詹

卷之五

簡

致

第三則

贊三則

與彭躬菴

又

又

又

又

又

又

又

又

又

又

又

與彭子載

答彭子載

又

寒文二集

士

又

與某少司馬

又

又

答某

答官公璧

又

又

又

答葉慈生

又

又

又

又

答王振子

又

又

又

又

與伍引之

又

又

與朱靜菴

又

又

答施天乳

答謝用弼

已上簡畢

寒支二集

十三

代郭宮詹助餉啟

答某令公請修邑誌啟

答王總戎啟

復王約先劉儀世賀生辰啟

答祝令公賀生辰啟

答馬學師賀生辰啟

答某遣子賀生辰啟

答王約先賀八十壽啟

請魏令公啟

答通庠求壽文啟

答汀州鄆太守啟

答張令公啟

請釋人嶽任圖珖啟

答甯令公啟

答丘非枝啟

無墨齋銘

寒支二集

十四

清代詩文集彙編

枕銘

澹廬銘

吳焉文遺像贊

甘樾齋像贊

彭子安小影指掌圖贊

卷之六 傳 墓表 墓誌 祭文

鄭雲錦傳

兵部尚書總督學士張公傳畧

郭宮詹傳畧

寒文二集目

十五

楊大司馬傳畧

張玄著傳

貴州威清道僉事黃際飛傳

明兵部職方司主事李公家傳

丘明大傳

明秀才李右宜傳畧

明孝廉徐虞卿墓表

翰林院檢討林君墓誌

承德郎兵部司務林公墓誌

祭先妣唐孺人文

祭先考文

祭外姑伍孺人文

祭彭躬菴文

寒文二集目

十六

李寒支先生歲紀 自內或以前係先君自書內或以後景不肖男子權數錄

明神宗萬曆三十年壬寅九月二十日辰時生于泉上里龍鄉祖居當彌月母夢偉丈夫躡高屐軒然而來急叩寢戶驚寤而產以爲祥也父恬菴公命

名曰世熊

丙午五歲就塾

辛亥十歲塾師以手中扇命作破題予破云舒之風動四方卷之退藏于密

寒支歲紀 卷首

丙辰十五歲應童子試知府饒公 諱景賜拔第一名

丁巳十六歲宗師岳公 諱歲考取入縣學始冠

戊午十七歲應省試時黃石齋先生名噪甚予往謁之手錄其闕牘以還先生目予曰妙年篤志下問

如此令人愧畏也是年從師歸化揭丁門先生 諱

春育始學爲小論及讀諸子六朝三唐文

己未十八歲從師晉江張熙伯先生 諱元嗜讀韓非

子及蘇長公王元美李卓吾藏書諸集娶婦丘氏

少予二歲

崇禎元年庚申十九歲仍師晉江張先生始讀唐宣之選鐘山集及先輩歸胡方孟旋徐子卿陳大士艾千子諸公制義于是始變爲沉深峭刻之文然讀書不多詞不達意張師每裁之十二月譚凡同先生較訂士拔予二等批其卷云筆之能開者惜其落粗蔓耳蓋張師造予爲豪暢之文未得其門而落粗蔓亦洞垣之見也

天啟元年辛酉二十歲始爲塾師七月應省試與

化司理銅梁余冀望先生 諱呂取冠本房以離

寒支歲紀 卷首

二

奇見抑於大主考先生署予卷云將子無怒秋以爲期竟袖予卷而出亦不置副榜居副榜者爲貴文煥何惜得雋者爲何望海王家彥駱天閑裴養清皆一時之俊也遂落第歸舟次評註離騷二卷是歲長男日饒生

壬戌二十一歲始謁見余先生于常思嶺余作書介

予于汀司理冠公葵衷 諱從化冠公徵予入郡讀

書時父爲無賴誣訟賴冠公得自感之不忌是年

父產盡落無力購書始從友人處借讀孫月峯所

清代詩文集彙編

一二

評左傳茅鹿門所評八大家因悟古文之法又讀沈無回詩經說通眼光始溢傳注之外更觸類旁求于制義始解湯霍林評選程墨之妙

癸亥二十二歲館于鄰鄉丘坊受業四人始編史漢宋卒業九月遊莆田謁余先生先生留寓梅峯寺時徐二俞爲莆士至盟先生介予入社與諸士角義予時爲諸子與博之言莆士咸以爲怪先生復介予寓郭朗山家與郭邦堯同業互有資益邦堯制義端謨法脉予當出入于史短長相攻正得

寒支歲紀

卷首

三

劑平于時最同志者有朱馮仲泰橫余希志光黃若木周方叔嬰徐羽鼎觀銓方益祚祖玄林公祐賀周孺皇昭夏朗山家多藏書始肆閱漢魏叢書及經史編年予時嗜讀管子朗山勉予熟讀史記心甚感之十一月余先生丁外艱歸遺書荐予于揭陽令何金陽望海臘月返舍是歲次男日堂生

甲子二十三歲二月始遊揭陽蓋余先生憫予貧不欲負先生推解之意也值何令往粵省予寓揭

陽二十日何甫歸而汀中較士之檄來矣相晤不十日卽辭何返汀是年督學使爲周玉臺先生之請授予第四食餼批予文云大有篤爾惜火侯未到亦服其知言是時陳弓甫士奇始爲予叙制義始苦贈儀遂爲不好何玄子帶亦緘刻義來教八月不第歸兄弟分獎予從伯父借屋一區方廣六尺一厨備髮而已予于夜分人寢于注大學億中庸語錄詩經集說

寒支歲紀

卷首

四

乙丑二十四歲館于丘坊仁和碧從遊者五人

冬祖母翁孺人卒予董喪事

丙寅二十五歲三月艾千于來寧化訪江令公士

登送與予定交四月遊金陵識俞仲茅彥俞伯

彭鑒胡長白宗仁艾子魏客皆有詩文酬答

丁卯二十六歲長汀黎振三有網從予受業館于吾

鄉圖琬岩七月科試王帶如先生拔予第三

是年始交陳道寧元綸曾弗人吳樸陳昌基肇曾

陳仲謀燕翼董叔會養河八月落第歸始晤何

玄子於汀州

崇禎元年戊辰二十七歲 正月往省選貢見落黎

振三爲刻聞文集是年曾弗人自三山來館于從

兄伯敬家倡和無間頗極文字之樂予文亦覺少

變弗人詫嘆以爲一時瑜亮 九月寇警弗人歸

三山

己巳二十八歲 二月黎振三延予館于汀之郭外

三月遊潮陽訪江令公江時爲潮州判湖中交

蔡人鏡廷餘大埔交吳海如籙吳澗十洲吳士儀

鴻上杭交劉霞起廷標溫星耶夢良丘克九衍箕

寒支歲紀 卷首

五

楊有其岸九月盡乃返汀就誡督學何宗元先生

萬化拔予第一特加器賞 十月同伍夢符遊紫

金山

庚午二十九歲 二月往省讀書與省士結藥珠社

交遊日廣孫鳳林先生昌香顧予寓館驚謂曰吾

以元仲幡然老宿不謂少年如許何文與年之懸

也 八月予不第社中聯捷者爲董德受謙吉蔡

子威秋卿

辛未三十歲館于本鄉泉上子弟從遊者數人 四

月山寇發予家避歸化城中是年始通書于越中諸名士

壬申三十一歲 正月何宗元先生臨汀歲考復拔

予第一更加器賞試榜揭後因謂長汀薛令曰此

生不但文字奇變卽其品骨亦卓絕不凡往歲讀

書令城吾欲渠一面竟不可得其高潔如此隨遣

官召昭促談竟暑雅知予固窮也爲設處四百金

見贈感念知己沒齒不忘試後館于順昌之漠源

受業者七人黎振三與姪槐曾皆從焉 十月予

寒支歲紀 卷首

六

從順昌往濟關訪何玄子值玄子正缺國課猶倒

屢見贈往返間獨泛西湖累日不謁一名士張天

生吳靜腑等聞之而怒謂予踽涼不近情且目無

餘子也

癸酉三十二歲還自閩門始知黎振三于去冬病故

予哭之慟爲文遙祭之 八月不第歸是年交陳

石丈鍾璜余廩之璠葉白生甲方章嶸錄

甲戌三十三歲 八月督學陶公承說較汀士文取

清淺置予二等試後遊上杭金山宿山寺三日返

汀州與京口談長益對寓半月極詩酒之歡長益

為郎守筮公繼良之表姪才氣通敏好為詩時有

淵冷之致予時為徐司理所中幾危賴筮公力持

不敗予復上書求援于方伯申青門紹芳飛檄于

黃郡丞色中從中控制之司理毒不得洩而止

九月在省值工科林震亨之子林奇珍殺妻龔氏

龔即狀元用卿之孫女也向因姑病龔割股療疾

賢孝有聲三學青衿主持公論而民變遂起毀林

宅為孝婦祠蓋奇珍窮兇極暴眾借此洩忿也予

寒支歲紀

卷首

七

過祠為題一聯云初年兵解空糜股前世香燒想

斷頭後幾為工科所陷賴學憲陶公不行事乃寢

乙亥三十四歲 正月苦亦瘡候服涼劑元氣下陷

病遂日增臥床三越月至四月乃愈 七月往省

應拔貢見黜遂復遊莆寓余希之廢之文來閣與

二余甚傾倒又單車走泉州出安海潛觀鄭蜚虹

時鄭與撫臺鄒不合鄒為兵部鄒猜而羅髮予作

春秋涉錄序以譏之是年始交吳倫之楚甲倫之

方冠予決其必捷

丙子三十五歲受知於唐司理錫藩蓋陸方伯之

嘗見予制義而游揚於唐也司理嚴冷孤立行意

獨待予破格是年科試陶公仍拔予第一讀賞有

加 八月應省試闈中七義極協意然竟不售始

交董崇和先生應舉王毅子廷登

丁丑三十六歲林工科大發夙忿友人皆為予危已

竟免 自序抗談齋制義梓行

戊寅三十七歲 正月學憲吳公之屏試汀士謁聖

口值予講學而時習章擊節稱善賞格三倍于他

寒支歲紀

卷首

八

士遂拔第一 十月吳公檄汀士赴延平彙試復

拔第一 十一月予從杉關過建昌謁何宗元先

生時何為湖東道值正乞休解裝贈予數十金是

年交徐燕嘉鴻昭武交張道益謙張孟常世經郎

鄭東里勝

己卯三十八歲 正月從建昌順流入宣城訪余虞

之舟過撫州宿艾千子家抵宣城適曾弗人先至

寓梅無猜天逸閣予寓迎春寺宣城君大為二客

增聲價一時名士風靡遊况甚佳為治重裝而歸

予從大平抵金陵再晤何玄子因識趙退之韓山
吳越返閩應試予見落弗人得雋是年交麻孟瑋
三衛 徐乾若律時 梅翊三 顏庭生紹庭 沈聞大
兆昌 游洲父 陳昌望儼 冬納側室賴氏
庚辰三十九歲受知于司理宋公應星 七月入度
州而陳弓甫爲寧化徐令日隆 引愆事旋得釋蓋
弓甫時爲嶺北道欲叅處徐令故也 九月受知
于馮密菴叅憲之圖 九日延予孟酒論文擊節稱
快途次移書贈金殊感其謙下

寒支歲紀 卷首 九

辛巳四十歲 二月入泉州漳州再晤馮密菴先生
王穀子新交呂而德士坊 何祖述燕郎玄子乃郎 七月
學憲郭正夫之奇 較汀士拔予第一
壬午四十一歲 三月宋司理招予入署代閱生童
試卷十日乃畢出署值郭公再較汀士復拔予第
一 十月郭公延予閱下南四郡歲考卷備極勞
瘁
癸未四十二歲 四月初一閱卷畢出自泉州署遂
辭歸 是冬入省候郭正夫先生寓省卒歲獲交

鄭牧仲郊 嘉興陳獻可盡說 來候黃石齋先生與
予定交于芝山寺
甲申四十三歲 五月始知 烈皇殉難纂國變錄
旋聞南都擁立弘光八月郭學憲調閩中廩生就
建寧府選貢予抵建而郭與張撫軍肯堂交訐不
視事遂停選貢 九月郭先生報遷官詹還潮州
予仍留建郡始交莆中林君若昂霄 宋紫生棟 建
州許聖之嘉祥 楊用先登 十月黃石齋先生以
吏部起用差官敦趨至建予始執費及門極見器

寒支歲紀 卷首 十

許遂從先生遊武夷四宿山中同遊者爲林守一
達經洪尊光京榜 林君若鄭牧仲陳英子和先
生詩十二章而歸
乙酉四十四歲 正月再赴省選貢督學李長倩素
嗜庸瑣之文抑予不錄 二月由三山往潮州候
郭正夫先生過莆中晤陳季琳先生立藻 交方八
公翁 鄒祖西黃慎夫時吳愉之爲揭陽令爲予治
裝就南國子科舉予不聽歸途過永定值汀州寇
警淹留永定十日愉之尊人吳允睿弟吳上生爲